



Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), člana 7. Zakona pečatu Federacije Bosne i Hercegovine („Službene novine F BiH“ br. 2/94, 21/96 i 46/07) i člana 19. stav (1) alineja 34. Statuta Općine Novo Sarajevo („Službene novine Kantona Sarajevo“ br. 5/20 – Prečišćeni tekst i 20/20 - Ispravka) Općinsko vijeće Novo Sarajevo, na 4. redovnoj sjednici, održanoj dana 29.04.2021. godine, donijelo je

ODLUKU O PEČATU OPĆINE NOVO SARAJEVO

I - OPĆE ODREDBE

Član 1.

(Predmet Odluke)

Ovom odlukom utvrđuju se organi koji imaju pravo na pečat Općine Novo Sarajevo (u daljem tekstu: Općina), oblik, veličina i sadržaj, način izrade, čuvanje, upotreba, uništavanje, oglašavanje nevažećim, vođenje evidencije o pečatu, i druga pitanja vezana za pečat Općine.

Član 2.

(Gramatička terminologija)

Gramatička terminologija korištenja muškog i ženskog roda za pojmove u ovoj odluci uključuje oba roda.

II - PRAVO NA PEČAT

Član 3.

(Pravo na pečat)

- (1) Pravo na pečat Općine imaju:
 - a) Općinsko vijeće,
 - b) Općinski načelnik,
 - Općinske službe,
 - c) Pravobranilaštvo Općine,
 - d) Mjesne zajednice,
 - e) Općinska izborna komisija Novo Sarajevo,
 - f) Općinski štab civilne zaštite,
 - g) Javne ustanove i preduzeća koja formira Općinsko vijeće, ako pozitivnim pravnim propisima nije drugačije određeno.
- (2) Pored organa Općine iz prethodnog stava ovog člana, pravo na pečat Općine mogu imati i drugi organi ako je propisom o njihovom osnivanju tako određeno i ako je to u skladu sa važećim zakonskim propisima i ovom odlukom.
- (3) Radna tijela koje osniva Općinsko vijeće koriste će pečat Općinskog vijeća, a radna tijela koja osniva Općinski načelnik koriste će pečat Općinskog načelnika, ako propisom o njihovom osnivanju nije drugačije određeno i ako to nije u suprotnosti sa važećim pravnim propisima.
- (4) Odredbe prethodnog stava ovog člana ne odnose se na organe Općine naznačane pod tačkama od b) alineja 1. do g) u stavu (1) ovog člana.



Član 4.
(Oblik i veličina pečata)

- (1) Pečat je okruglog oblika i prečnika 50 mm (veliki pečat).
- (2) Organi iz člana 3. ove odluke, a radi potvrđivanja službenih legitimacija, personalnih, finansijskih i drugih dokumenata, mogu imati i pečat prečnika 20 mm (mali pečat).
- (3) Pečati iz st. (1) i (2) ovog člana sadrže isti tekst.
- (4) Prema potrebi organi Općine mogu imati i jedan mali pečat od 30 mm za otiske u pečatnom vosku, kao i suhi pečat prečnika 60 mm.

Član 5.
(Sadržaj pečata)

- (1) Pečat ima ispisan tekst, u tri koncentrična kruga, i to:
Prvi krug: „Bosna i Hercegovina - Federacija Bosne i Hercegovine“.
Drugi krug: “ KANTON SARAJEVO – GRAD SARAJEVO – OPĆINA NOVO SARAJEVO “.
Treći krug: Naziv organa iz člana 3. ove odluke koji ima pravo na pečat.
- (2) U sredini pečata je grb Općine Novo Sarajevo.
- (3) Ispod grba je arapski broj, ukoliko se izrađuje više pečata iste veličine i sadržaja, jer svaki takav primjerak mora biti označen rednim brojem.
- (4) Pored tog arapskog broja, rimskim brojem u obliku razlomka upisuje se broj ponovo izrađenog pečata istog sadržaja, koji je nestao ili je uništen (npr. I/II).

IV - IZRADA PEČATA

Član 6.
(Broj i vrste pečata)

- (1) U pravilu, organi iz člana 3. ove odluke mogu imati i koristiti samo jedan pečat prečnika 50 mm i jedan pečat prečnika 20 mm.
- (2) Izuzetno od stava (1) ovog člana, općinske službe, koje izdaju dokumenta u Centru za pružanje usluga građanima (šalter sali) i drugim prostorima gdje se direktno pružaju usluge građanima, mogu imati više velikih pečata, koji će pored teksta navedenog u članu 5. ove odluke imati oznaku “1”, “2”, itd.

Član 7.
(Odobranje izrade pečata)

- (1) Izradu pečata na osnovu podnesenog zahtjeva ovlaštenog lica, rješenjem odobrava Općinski načelnik.
- (2) Rješenje kojim Općinski načelnik odobrava izradu pečata, sadrži podatke za koji se organ odobrava izrada pečata; broj pečata čija izrada se odobrava, posebnu oznaku brojem ukoliko se odobrava više pečata iste veličine i sadržaja, veličini i sadržaju pečata, kao i druge potrebne podatke i obrazloženje razloga zbog kojih se odobrava izrada pečata.
- (3) Općinski načelnik će odbiti zahtjev za odobravanje izrade pečata u sljedećim slučajevima;
 - a) Ako podnosilac zahtjeva, prema odredbama ove odluke i važećih zakonskih propisa nema pravo na pečat ili je zahtjev podnijelo neovlašteno lice.
 - b) Ako se zahtjev odnosi na odobravanje izrade pečata čiji su sadržaj, dimenzije ili broj primjeraka suprotni odredbama ove odluke.
 - c) Ukoliko je izrađen dovoljan broj pečata ili postoje drugi razlozi da se zahtjev za izradu pečata, odbije kao neosnovan.
- (4) Rješenje kojim se odobrava izrada pečata, dostavlja se nadležnom organu unutrašnjih poslova Kantona Sarajevo.

*Općina Novo Sarajevo, ulica Zmaja od Bosne br. 55, centrala telefon (387 33) 492 100
Općinsko vijeće Novo Sarajevo, tel (387 33) 492 268, fax (387 33) 650 397*

E mail: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000


Depozitni račun (račun za prikupljanje javnih prihoda): 1411965320011288 Bosna Bank International d.d.;

Transakcijski račun (za isplatu svih obaveza): 1610000019280022 Raiffeisen bank d.d. Sarajevo;

1411965320011191 Bosna Bank International d.d.;

102050000098065 Union Banka d.d. Sarajevo; 1413065320060897 Bosna Bank International d.d.





Član 8.

(Izrada pečata)

- (1) Izradu pečata vrši pečatoreznica izabrana u postupku provedenom po odredbama važećih propisa o javnim nabavkama.
- (2) Postupak iz prethodnog stava provodi Služba zadužena za poslove javnih nabavki, na osnovu rješenja iz člana 7. stav (1) ove odluke i na zahtjev organa iz člana 3. ove odluke kojim je rješenjem odobrena izrada pečata.
- (3) Izrađene primjerke pečata ovlaštena pečatoreznica je obavezna čuvati sve do njihove predaje organima iz člana 3. ove odluke, a sve matrice kao i neuspjele i probne primjerke odmah uništiti.
- (4) Nadzor nad radom pri izradi i uništenju matrice pečata vrši nadležna služba, što će se bliže definisati ugovorom.

Član 9.

(Evidencija o pečatu)

- (1) Evidenciju o svim primjercima pečata koji su u upotrebi kod organa iz člana 3. ove odluke vodi Služba za poslove Kabineta Općinskog načelnika.
- (2) Svaki organ iz člana 3. ove odluke obavezan je da prije početka upotrebe bilo kojeg primjerka pečata, isti dostavi službi iz prethodnog stava ovog člana radi uvođenja u knjigu evidencije.
- (3) Evidencija o pečatima, pored ostalog, sadrži: broj i datum rješenja kojim je odobrena izrada pečata, naziv organa iz člana 3. ove odluke kojim je odobrena izrada pečata, broj izrađenih primjeraka pečata, otisak pečata, identifikaciju lica kojim se pečat predaje na upotrebu, korištenje i datum predaje, podatke o nestanku ili uništenju pečata.

V - UPOTREBA PEČATA

Član 10.

(Svrha pečata)

- (1) Pečatom se potvrđuje autentičnost službenih akata.
- (2) Otisak pečata se stavlja sa lijeve strane potpisa osobe ovlaštene za potpisivanje službenih akata, ako zakonom ili drugim propisom nije drugačije određeno.

Član 11.

(Rukovanje pečatom)

- (1) Pečatom rukuje, upotrebljava ga i čuva rukovodilac organa/predsjedavajući/odgovorno lice organa iz člana 3. ove odluke, odnosno lice koje posebnim rješenjem ovlasti rukovodilac organa/predsjedavajući/odgovorno lice organa iz člana 3. ove odluke.
- (2) Izuzetno od stava (1) ovog člana, pečatom mjesne zajednice rukuje, upotrebljava i čuva ga zaposlenik Općine kojeg Rješenjem ovlasti Općinski načelnik. Pečat mjesne zajednice se koristi za akte koje donose organi mjesne zajednice u skladu sa statutom.

Član 12.

(Čuvanje pečata)

- (1) Lice ovlašteno za rukovanje, upotrebu i čuvanje pečata dužno je:
 - a) u toku radnog vremena organizovati poslove tako da pečati budu stalno pod nadzorom i ne smiju biti u posjedu neovlaštene osobe,
 - b) po završetku radnog vremena pečate odložiti i čuvati u zaključanim ormarima, kasama, stolovima ili prostoriji čija je sigurnost osigurana.
- (2) Svi primjerci pečata se moraju čuvati na način da se onemoguću njihova zloupotreba.

Član 13.
(Neupotrebljivost i uništavanje pečata)

- (1) Ako je zbog istrošenosti ili iz drugih razloga pečat postao neupotrebljiv, isti mora biti odmah uništen o čemu se stara rukovodilac organa/predsjedavajući/odgovorno lice organa iz člana 3. ove odluke ili lice ovlašteno za rukovanje, upotrebu i čuvanje pečata.
- (2) Pečat se smatra neupotrebljivim zbog istrošenosti ako se iz njegovog otiska jasno ne vidi tekst koji daje otisak pečata.
- (3) Uništavanje istrošenih i neupotrebljivih pečata vrši komisija od tri člana, koju rješenjem imenuje Općinski načelnik. O uništavanju pečata sačinjava se zapisnik koji, između ostalog, sadrži: mjesto i datum uništavanja, naziv organa čiji pečati se uništavaju, broj i datum rješenja kojim je odobrena izrada pečata, broj komada pečata, broj oznake rednog broja pečata ako je izrađeno više pečata iste veličine i sadržaja, otisak pečata i način uništavanja. Ukoliko se uništava nevažeći pečat, zapisnik sadrži i podatke o službenim aktima, odnosno prijavi da je pečat nestao, oglašavanju nevažećim u službenim novinama, kao i o aktu, odnosno prijavi da je pronađen pečat koji je nestao, odnosno oglašen nevažećim.
- (4) Pečati se u pravilu uništavaju spaljivanjem ili mehaničkim putem, tako da se u potpunosti uništi tekst pečata.

Član 14.
(Nestanak pečata)

- (1) Rukovodilac organa/predsjedavajući/odgovorno lice organa iz člana 3. ove odluke ili lice ovlašteno za rukovanje, upotrebu i čuvanje pečata, dužni su odmah po saznanju, prijaviti nestanak pečata nadležnom organu unutrašnjih poslova Kantona Sarajevo i nestanak oglasiti u „Službenim novinama Kantona Sarajevo“.
- (2) Nestali pečat se smatra nevažećim od dana oglašavanja, a u slučaju kasnijeg pronalazenja isti će biti uništen na način kako je to predviđeno u članu 13. ove odluke.
- (3) Nakon objave iz stava (1) ovog člana, može se izdati odobrenje za izradu novog pečata.
- (4) Novi pečat koji se izrađuje umjesto nestalog pečata mora biti označen rimskim brojem koji odgovara redoslijedu zamjene.

VI - PRIJELAZNE I ZAVRŠNE ODREDBE


Član 15.
(Prestanak važenja)

Danom stupanja na snagu ove odluke prestaje da važi Odluka o pečatima (“Službene novine Kantona Sarajevo” br. 17/98, 15/00 i 22/01– Prečišćeni tekst)

Član 16.
(Stupanje na snagu)

Ova odluka stupa na snagu osmog dana od dana objavljivanja u „Službenim novinama Kantona Sarajevo“.

Broj: 02OV-04-3208/21
Sarajevo, 29.04.2021. godine



PREDSEDAVAJUĆI
OPĆINSKOG VIJEĆA NOVO SARAJEVO
Pleše Robert

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo, tel (387 33) 492 268, fax (387 33) 650 397

E mail: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun (račun za prikupljanje javnih prihoda): 1411965320011288 Bosna Bank International d.d.;

Transakcijski računi (za isplatu svih obaveza): 1610000019280022 Raiffeisen bank d.d. Sarajevo;

1411965320011191 Bosna Bank International d.d.;

1020500000098065 Union Banka d.d. Sarajevo: 1413065320060897 Bosna Bank International d.d.

